

KKM sedia pelan strategik hadapi risiko kemasukan cacar monyet

Berita Harian 9/6/2022 Page 8

Pengembara dinasihat sentiasa waspada, elak akviti mampu tularkan jangkitan

Oleh Noor Atiqah Sulaiman
bhnews@bh.com.my

Putrajaya: Kementerian Kesihatan (KKM) menarangkan individu yang melancong ke luar negara yang sudah mempunyai jangkitan cacar monyet sentiasa berwaspada dan elak melakukan aktiviti yang boleh menyebabkan jangkitan.

Menterinya, Khairy Jamaluddin juga meminta mereka segera mendapatkan rawatan jika mempunyai gejala.

“Bagi mereka yang sedang melancong ke luar negara, terutamanya negara yang sudah melaporkan kes cacar monyet, kita minta mereka berwaspada. Elakkan melakukan aktiviti yang boleh menyebabkan jang-

kitan,” katanya menerusi video yang dimuat naik di media sosial, semalam.

Antara negara endemik cacar monyet yang melaporkan kes dari 15 Disember hingga Mei lalu ialah Cameroon, Republik Afrika Tengah, Republik Demokratik Congo dan Nigeria.

Selain itu, bagi negara bukan endemik, namun sudah melaporkan kes ialah di Australia, Belgium, Kanada, Perancis, Jerman, Itali, Belanda, Portugal, Sepanyol, Sweden, United Kingdom, Amerika Syarikat dan terbaru di Singapura.

Dalam pada itu, Khairy berkata, KKM sudah menyediakan pelan strategik bagi menghadapi risiko kemasukan cacar monyet ke negara ini antaranya dengan pengesanan serta notifikasi kes menerusi MySejahtera.

Beliau berkata, kementerian itu turut membuat pengambilan sampel, siasatan dan pengurusan kontak rapat serta pemantauan di pintu masuk antarabang-

sa seperti di lapangan terbang.

“Bermula 27 Mei lalu, KKM sudah menambah baik MySejahtera iaitu meletakkan *health alert* berkaitan cacar monyet dalam aplikasi berkenaan.

“Selepas pengembara isi borang praperlepasan dalam aplikasi MySejahtera, mereka yang tiba di negara endemik atau negara yang melaporkan kes cacar monyet akan menerima peringatan atau *alert* untuk membuat pemantauan kesihatan kenduri sekiranya terdapat sebarang gejala,” katanya.

Selain itu, Khairy berkata, KKM akan memperluaskan penggunaan ubat antiviral Paxlovid ke fasiliti kesihatan swasta yang

terpilih dalam waktu terdekat. Katanya, sebelum ini penggunaan ubat berkenaan sudah digunakan di fasiliti kesihatan KKM sejak 15 April lalu, bagi merawat pesakit COVID-19 kategori dua dan tiga.

Sehingga kini, katanya, 1,364 pesakit COVID-19 sudah mene-



Khairy Jamaluddin



Individu melancong ke luar negara perlu segera mendapatkan rawatan jika mempunyai gejala cacar monyet. (Foto hiasan)

rima rawatan menggunakan Paxlovid dan sembuh sepenuhnya tanpa sebarang kesan sampingan teruk.

“Rawatan ini terbukti selamat dan berkesan serta dapat mengurangkan kesan teruk jangkitan dan kadar kematian pesakit COVID-19. Justeru bagi memastikan akses yang lebih baik kepada pesakit, rawatan menggunakan ubat Paxlovid ini akan diperluaskan ke fasiliti ke-

sihatan swasta terpilih dalam waktu yang terdekat.

“Untuk makluman, pemberian ubat Paxlovid kepada pesakit di fasiliti kesihatan swasta adalah secara percuma,” katanya dalam kenyataan.

Bagaimanapun, Khairy berkata, pesakit masih tertakluk kepada caj khidmat rundingan dan lain-lain caj berkaitan yang ditentukan oleh fasiliti kesihatan swasta berkenaan.